


Magozwe



✎ Lesley Koyi
✉ Wiehan de Jager
📄 Shameem Oozeerally & MIE French
Students
|| 5
☺ kreol morisien mFe



Global Storybooks

globalstorybooks.net


Magozwe

✎ Lesley Koyi
✉ Wiehan de Jager
📄 Shameem Oozeerally & MIE French
Students



This work is licensed under a Creative Commons
[Attribution 4.0 International License](https://creativecommons.org/licenses/by/4.0).
<https://creativecommons.org/licenses/by/4.0>






Dan lavil Nairobi, ki ti bien anime, ek lwin
avek enn klima ranpli ar lamour ek
latansion, ti ena enn group zenes SDF ki ti
pe viv laba. Zot pa ti pran traka landime.
Enn gramatin, kan zot ti fini dormi lor sa
trotwar bien fre la, bann garson-la ti pe
ramas zot matla. Pou zot pa gagn fre, zot ti
fer enn dife ar bann salte. Parmi zot ti ena
Magozwe. Limem ti pli zenn.




Magozwe ti ena zis sink-an kan li finn perdi
so paran. Apre zot lamor, li'n al res kot so
tonton me li pa ti ena enn sou lafeksion
pou Magozwe. Li pa ti pe donn li ase
manze ek li ti pe fer li travay bien dir.




Si par maler Magozwe ti plengne ouswa reponn li, so tonton ti bat li. Kan Magozwe demann li si li kapav al lekol, tonton-la plis bat li ankor. Li dir li koumsa : « To tro bet pou aprann ». Pandan trwa-z-an, Magozwe finn siport sa tretman-la, lerla li'nn sove depi kot so tonton, ek li'nn koumans viv lor lari.



Magozwe ti pe asize devan laport lakaz twatir ver la ek li ti pe lir enn liv depi lekol. Thomas vini ek asiz kot li. Li demann li : « ki zistwar sa ? » Magozwe reponn : « se zistwar enn ti garson ki ti anvinn profeser ». « Kouma li apele garson-la ? » Thomas demann li. Avek enn sourir, Magozwe reponn li : « So nom se Magozwe. »




Lavi lor lari ti difisil e laplipar bann garson ti pa ti pe resi gagn manze. Parfwa, gard ti pe trap zot e parfwa zot ti pe gagn bate. Kan zot ti pe malad, personn pa ti pe ed zot. Group-la ti pe bizin debrouy ar sa tigit kas ki zot ti pe gagne ar sarite la, ouswa kan zot ti pe vann plastik ek bann lezot obze resiklab. Bann lager ki ti pe eklate avek lezot group ki ti pe rod kontrol lavil ti pe rann zot lavi pli difisil.



Magozwe kouvans lekòl. Ti difisil. Ti ena boukou pou ratrape. Enn-de fwa li ti pe anvì abandone. Me li ti pans so posibilite pou vinn pilot ouswa foutbòler. Ek parey kouma sa de garson dan bann zistwar-la, li pa abandone.




Enn zour, Magozwe finn fouy dan poubel ek finn trouv enn vie liv. Li finn netway so lapousier ek finn met li dan so sak. Bann zour ki swiv, li finn pran labitid pou tir so liv dan so sak ek get bann zimaz. Li pa ti konn lir.



Lerla Magozwe koumans res dan enn lasam, dan enn lakaz twatir ver. Li ti partaz sa lasam-la avek de lezot garson. Antou ti ena dis ki ti pe viv dan lakaz-la. Laba ti ena oussi matant Cissy ek so mari, trwa lisien, enn sat ek enn vie bouk.




Bann zimaz-la rakont zistwar enn garson,
ki'n vinn enn pilot kan li'n vinn gran.
Magozwe ti pe reve li enn pilot. Parfwa, li ti
pe mazin limem kouma sa garson dan
zistwar-la.




Li konfie so bann lakrint ar Thomas. Avek
letan, Thomas resi fer li konpran ki lavi
laba kapav meyer.




Ti pe fer fre. Magozwe ti pe demann sarite lor lari, kan enn sel kou, enn boug koste ar li ek dir li koumsa : « Bonzour, mo apel Thomas. Mo travay pre isi mem, dan enn plas kot to kapav manze », li dir. Li montre li enn lakaz zonn de-lwin avek enn twatir ble. « Mo espere to vinn manze », li dir li. Magozwe get boug-la, apre li get lakaz-la ek li reponn li : « kitfwa » apre li ale.



Magozwe kalkil sa nouvo landrwa-la ek lide pou al lekol. Be si so tonton ti ena rezon, si vmem li ti tro bet pou aprann ? Aster si bann-la bat-li laba ? Li ti per. « Kitfwa li ti pou meyer mo res lor lari mem » li panse.




Bann mwa apre, nou ti zenes SDF ti'n
pran labitid pou al get Thomas parla-parla.
Li ti kontan koz avek bann dimounn ki res
lor lari. Thomas ti pe ekout bann zistwar ki
bann dimounn ti pe rakonte. Li ti serye ek
pasian. Li ti ena bon manier ek respe.
Sertin garson ti pe komans frekant lakaz
zonn e ble pou gagn enn manze midi.



Kan ti ariv apepre zour kot Magozwe gagn
di-z-an, Thomas donn li enn nouvo liv. Se
zistwar enn zenn vilazwa ki'n vinn
fouborler kan li'n vinn gran. Thomas finn
li sa zistwar-la ar Magozwe enn kantite
fwa ziska enn zour, li dir li : « Mo panse
finn ariv ler pou to al lekoi ek to aprann lir,
ki to dir ? » Thomas explik li ki li ti konn enn
landrwa kot bann zanfan kapav reste ek al
lekoi.



Magozwe ti pe bien asiz lor trotwar ek ti pe get bann zimaz so liv kan enn sel kou, Thomas vinn asiz akote li. Thomas demann li : « Zistwar-la ki pe rakonte ? » Magozwe reponn : « se zistwar enn garson ki vinn pilot ». « kouma li apele garson-la ? » Thomas demann li. Magozwe reponn li trankil-trankil : « mo pa kone, mo pa konn lir ».



Kan zot ti pe zwenn, Magozwe ti pe koumans rakont Thomas so zistwar. Zistwar so tonton ek rezon kifer li finn sove. Thomas pa ti pe koz boukou ek li pa ti pe dir Magozwe seki li ti bizin fer me li ti touletan pe ekout li avek latansion. Parfwa, zot ti pe koze devan enn repa ki zot ti pe pran dan sa lakaz ek twatir ble la.